

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍԱԿԿԱԶՄԱՆ ԴԱՏԱՎԱՐԱՐՈՒԹՅԱՆ ՊԵՏԱԿԱՆ ՍԵՐՎԻՍ»-Ի ՊԵՏԱԿԱՆ ՍԵՐՎԻՍԻ ՎԵՐԱԿԱՆԱԿՈՒՄ, ՊԵՏԱԿԱՆ ՍԵՐՎԻՍԻ ՎԵՐԱԿԱՆԱԿՈՒՄ ԵՎ ՊԵՏԱԿԱՆ ՍԵՐՎԻՍԻ ՎԵՐԱԿԱՆԱԿՈՒՄ, ՊԵՏԱԿԱՆ ՍԵՐՎԻՍԻ ՎԵՐԱԿԱՆԱԿՈՒՄ ԵՎ ՊԵՏԱԿԱՆ ՍԵՐՎԻՍԻ ՎԵՐԱԿԱՆԱԿՈՒՄ ԵՎ ՊԵՏԱԿԱՆ ՍԵՐՎԻՍԻ ՎԵՐԱԿԱՆԱԿՈՒՄ

Քուբայիսիում անցկացվող դատավարությանը, Վանո Մերաբիշվիլու հայտարարության համաձայն, դեկտեմբերի 13-ի գիշերվա ժամը 1-ն անց 30-ին իրեն բանտից տարել են դատախազի հետ հանդիպման: Նախկին վարչապետի հավաստմամբ, գլխավոր դատախազը իրեն ներկայացրել է վերջնագիր. եթե ինքը դատախազությանը չօգնի նախկին վարչապետ Ջուրաբ ժվանիայի գործի հետաքննության ընթացքում եւ չտա նախկին նախագահ Միխեիլ Սաակաշվիլու բանկային հաշիվների համարները, ապա «շատ կփոշմանի»: Մերաբիշվիլին հայտարարեց նաեւ, որ Փարցխալաձեն խոստացել էր այդ դեպքում կտրուկ վատացնել նաեւ բանտում նրա գտնվելու պայմանները:

Ընդսմին, Վանո Մերաբիշվիլին նշեց, որ մեկուսարանում տեղակայված տեսախցիկներով կարող են ստուգել բանտի տարածքից իրեն դուրս բերելու փաստը: Արձագանքելով «Միասնական ազգային շարժման» գլխավոր քարտուղարի հայտարարությանը՝ այդ կուսակցությունը բարձրացրել է Օթար Փարցխալաձեին՝ Մերաբիշվիլու դատավարության գործից հեռացնելու պահանջ: Իրենց հերթին, Վանո Մերաբիշվիլու փաստաբանները քրեակատարողական նախարարությունից պահանջել են բանտում գտնվող բոլոր տեսախցիկների վերջին շաբաթվա ընթացքում կատարած տեսագրությունները: Վրաստանի արդարադատության նախարար Թեա Ծուլուկիանին երկրի գլխավոր դատախազությանը եւ քրեակատարողական նախարարությանը կոչ է արել հստակ պատասխան ներկայացնել Մերաբիշվիլու մեղադրանքներին:

Վրաստանի գլխավոր դատախազությունը տարածած պաշտոնական հայտարարության մեջ կտրականապես հերքում է Վանո Մերաբիշվիլու Քուբայիսիի դատավարության ժամանակ տարածած հայտարարությունը: «Մերաբիշվիլու հայտարարությունն անհեթեթություն է եւ չի համապատասխանում իրականությանը: Գլխավոր դատախազությունը կտրականապես հերքում է այդ անձի վրա ճնշման փաստը եւ ընդգծում, որ այն բանից հետո, երբ Մերաբիշվիլու դատական գործը թեւակոխել է եզրափակիչ փուլ, մեղադրյալների եւ նրանց կողմնակիցների կողմից իրականացվում են տարբեր գործողություններ՝ ուղղված հասարակայնությանը թյուրիմացության մեջ գցելու եւ դատավարության մասնակիցների վրա ճնշում գործադրելուն», - ասված է հայտարարության մեջ:

Իր հերթին, Վրաստանի վարչապետ Իրակլի Դարիբաշվիլին հայտարարեց, որ Վանո Մերաբիշվիլու հայտարարությունը կարելի է ընկալել՝ որպես նախկին նախագահ Միխեիլ Սաակաշվիլու նենգաշորթման փորձ:

«Բացառված չէ, որ նա այդպիսով փորձում էր շանտաժի ենթարկել իր նախկին պետին՝ Միխեիլ Սաակաշվիլուն՝ շեշտը դնելով ժվանիայի մահվան անբացատրելի հանգամանքների ու Սաակաշվիլու ֆինանսական ռեսուրսների վրա», - հայտարարեց վարչապետը: Միաժամանակ, նա նշեց, որ դա նոր իշխանության սադրանք է, նոր դատախազի վարկաբեկման փորձ կամ, հնարավոր է, «դա պայմանավորված է այն վախի հետ, որը կապված է ժվանիայի անձնական պահակախմբի ձերբակալության հետ», - ընդգծեց վարչապետը: